

QVÆSTIO MEDICA

QVOD LIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

die Iouis 29. Ianuarij.

M. DIONYSIO IONCQVET.

DOCTORE MEDICO ET HORTI REGII

Bōtanico Professore, Præsīde.

*Est-ne semper, & certum impedimentum generationis,
Veneris vinculum?*

I

MVNDI, & Amoris idem ferè initium fuit, ejus præcipua sollicitudo, & finis vltimus, processio viuētis à viuente, generatio est; quā, sexuum diuersitate, mutuis eorundem amplexibus, & fecundā seminis effusione, homo æternitati precariæ studens, viuam sui imaginem traducit posteritati. Eo consilio, veritis licet ex hymenæis fortes interdum procreentur, & illustres viri; legibus tamen constitutum fuit, quo legitimi nascerentur, marem, & scēminam, indissolubili firmare connubij nexu; quem specioso Veneris vinculo nectere se posse, summo mentis errore venditant Arioli delirantes. Ligatura enim maleficij genus est, quod tribus nodis, nouenis interdum; trino colore, interdum vno; triplici ingremium, vel lutum sputo; & absurdā verborum obscuritate, à matrimonij congressum arcet! quasi conjugalis, vel illicitus amor habenas ferant, aut concilientur phileris? quasi tot machinis adimplenda generatio, futili præpediatur incantationis vecte? aut quasi vt hisce iret obuiam incommodis, prouida & solers natura, mari & scēminæ non inseuerit mirabile desiderium congressus. Id siue à seminis ab utroque parente decidui, plurimo spiritu, & libidinis incentiuo; siue à genitalium exquisitissimo sensu proueniat, & titillatione præcellenti; Quonam in sexu intensiori tircasias iudicet! Pluribus namque modis, scēminæ delectantur; & mares, dum gignendi actum risu & oscillatione consumunt, ipsā videntur exanimari voluptate; atque licet salaces amantium rixæ, & quæcunque distenta

A

libido dicat, penè faciant mixturam animarum, generationis officium impatientius sollicitando, illud nihilominus vna sexuum copula incipit, & absolut potens Venus.

II.

PRIMVM igitur, & certum semper generationis impedimentum, Veneris impotentia fuit, aliquà naturæ aberratione indecta, vel maleficio. Naturalis impotentia obices quæris? Symptomata sunt locorum, eorundemque à conformatione aut intemperie morbi. Nec crudos annos moror; sic ante duodecimum pueri, sic nimio eorum usu gelidi senes & curui pudicos animos ad prolem vexant frustra, aut cano quærunt cum Eugio puellitater. Incassum etiam matura viro fuerit mulier, si *ἀρπυγία*, adstricta, aut laxa nimis; si genitalium torpore, & inepto corporis motu, vel morâ, nesciat ad plenos acui coitus, ad metam propere sinuul & cum socio *ἐμπεδιστίν*. Maris sterilitatem inuehuit Phalli paralytis, aut ignavia; veretri in mole, aut mensura vitium, nodus verpæ; satyriasis; gonorrhoea, & alia id genus malè sanæ libidinis monstra: Idem præstant Spadones, Eunuchi, Cinoedi qui rebus veneris non vtuntur; quarum etiam absoluendarum imbecillitate laborant, cum habilitate, & desiderio, ebrij, madulæ; quos ingens odium, aut rusticus fatigat pudor, & qui suspiciendam Am. fix pulchritudinem depereunt, aut ejusdem maledicunt deformitati. Quod si iis omnibus, & cupiditati maximæ neceat se maris vetecundia, & senellæ pudicus honos, desperata voluptas: Anima namque acrius intentâ in id quod amat, tota distrahitur; & quemadmodum excellens sensibile corrumpit sensum, ita & excellens concupiscibile, concupiscentiam euincit.

III.

HÆC quidem obsistunt generationi, sed illo Veneris vinculo, pictis fructibus inertiori, nusquam exulabit fecunditas, quod naturæ delitiis tantum obest, quantum profuit aduersus terculamenta puero- rum, vrsi dorsum ascendisse, infando tamen ligamine, in diem, annum longius, ante, & post connubium deligari posse feminam aliquando, sed rariùs; frequentius marem, sepe sepius comminiscuntur magi: qui nec sibi constant mendacibus præstigiis, an lupi, felis, canis rabidi corio, se- necetâ serpentis; vel exuvio, ligula metienda, certum cujus nodorum nu- merum, nec ipsi tenent, quémve arbitratu suo computant & statuunt; quasi inter hæc artis opera, & naturæ mysteria foret aliquid commercij! Nec putes ab incondito isto murmure, fascinum nasci. in quo nec fingi potest vis certa contactus, nec electionis; multò minùs suborietur in- cantatio à literis, & verbis ephæis, cum illud ex constituto voces ha- beant, vt quid vnum significant, pro explicandâ alteri alterius mente. Demum nec à spiritu fit maleficium per pulmones errante, vel excludo, quem singulis morientis noua corporis à morbo, vel sanitate temperies mutat, aut pridiana victus ratio. Hinc carminibus dysenteria curatum fuisse Antiochum, dormitans Homerus scripsit, & meritò Xenocratem

3
& Pamphylum insimulauerunt imposturæ, qui talibus se verbulis mēderi mentiebantur, quod nusquam inclusa sit ignotis verbis sanitas, ut nec morbus. Sola igitur nervi jacentis inertia, quam frequenti pellicum assuetudine contraxerat Theodoricus, effecit, ut conjugem non subierit Hermanbergam, quin & Amalis ipse, fascio impotentius reluctante, dum puellarem Zonam diffibulat ludens, & virgineum delibat Laodiceæ florem, deridiculum simul Veneris vinculum soluit.

I V.

V E R V M quemadmodum latrocinium in viris lacertorum robur fecit, ita & in mulieribus ob mollitiem prænalet veneficium; quodque ingenio sint leui, mobili, credulo, subdunt se citius præstigiis Dæmonum, & incantationi: Sed cur maribus illaqueentur difficilius? Scilicet: quod corpore sint ad patiendum gestienti, in generatione habeant materiæ vices, & lex Divina iusserit, eas esse paratas semper & obsequentes viris; penes quos stat actio, eaque princeps; cui timen horâ quâlibet vacare nequeunt, quod motus verendorum nullo sit poscente importunus, & sæpissime destituat inbiantem, quodque dum in animo concupiscentia feruet, frigeat in corpore, & lasciuendi libidini, libido non feruiat. Sed multos præsci cogitauerunt modos, imò experti sunt, quibus anteuertitur, aut soluitur nodus ligulæ: Sæpe fabula. Nec enim licet, imò non potest sine culpâ maleficium trudi maleficio? Nonquid Dæmonum beneficia omnibus sunt nocentiora vulneribus? Vnde prudenter admodum similibus nugis & seuerioribus, Gallica sapientia detraxit fidem, quæ viles homunciones, quos propria vel aliena infania fascinatōres putat, natalibus ablegat locis, in quibus non tam aliorum pernicipi sunt, atque excidio, quàm sibi ineluctabili paupertate graues: Er, amabo te, quis? vel appella finxit! firmatum Christo connubium, propagando mortalium generi adeo necessarium opus Dei, tot sancitum sacris, impotenti ac veteri Sagarum odio destrui, aut artificii ad fallendum Cacodæmonum perfidiâ, qui ligati latrant semper, nunquam mordent nisi volentem. Neque aliud, sanctioris disciplinæ ferunt minæ, quam ut caueant ne magicis nodulis, & incantatione, circumuentus lubricæ fidei miser homio, eam putet ligandi, deligandive potestatem penes mortales esse, quam in se, nec à seipsis Dæmones habent, nève qui se incantatores simulant, expresso pacto vel tacitâ conductione delusi, aut abutentes, irretiantur strictius; & humanæ mentis vitio, ut assequantur quæ non capiunt, malarum artium implorent opem, à quibus nos sacra, & suprema quam colimus potestas trahit.

V.

I R A T A M cogitas placare Venerem, & genialem conscendere thorum; legitima Veneris impedimenta, summove inguinum morbos cum eorum pullitie. His fascinum certiùs vinces quam nocturno sydere, & murmure absurdo lectis Artemisia, Abrotono, Hypericone, Ruta, Apper sis collo acu funerata, lupi veretro, & caracteribus sanguine vesperulionis

scriptis; his, inquam, superabis maleficium, potentiùs adipe suillo, canis nigri pinguedine, lupino seuo illitis postibus desponsatorum: galli resticulis alligatis nupturientium spondæ, fabis sectis, nucibusque hinc inde sparsis, quâ sponsus & sponsa progrediuntur, & redeunt, transfuso per sponsalem annulum lotio, vel similibus quisquiliis, quas falsi priorum vates temporum animi causâ, vel ad quæstum inuenerunt subdolè, vt malis artibus impeditas generationis vias, peioribus referarent. Sed hæc magicæ vanitatis *desensu a parva* jamdudum Christianorum mentibus excidit, & hîde, impropertantium jure sacrilegos Gentilitatis ritus, quæ vt à ligaturæ maleficiis, contemporaneos vindicaret, auersas inire mulieres suasit, aut præoccupare hymenæum. Verùm, exoptas amoliri congressus impotentiam, sine carminibus, sine veneficio, sine herbis; tuis fuge desideris, inferere præcordiis continentiam, & ama; pone insanos motus, & temulentiam; sanari velle, pars sanitatis erit; demulce tempore, nimios furentis amoris igniculos; subortum ab eximiâ pulchritudine ardorem, suetâ ventritatione compesce; animi facilitate, ad Amasiæ se se componentis mores, odium tempera, & officiosis obsequiis dele deformitatis nequum; funerata pars reuiuifcet; & extincta Venus castitatis incendio resumet vires; Optimâ victus lege pristinum restitue corpori robur, docebis conjugatos neruis vt, reddêsq; generandi potestatem.

Ergo nec semper, nec certum impedimentum generationis, Veneris vinculum.

DOMINI DOCTORES DISPVATVRI.

M. Bertinus Dienxiuoye

M. Eusebius Renaudot.

M. Petrus Tuclin, Sereniss. Au-

M. Stephanus Bachot

M. Isaacus Renaudot.

lianissum Ducissæ Medicus prim-

M. Ioannes Baptista Moreau, M. Antonius Morand.

M. Mathurin Deniau, Pro-

fessor Regius.

fessor Regius.

M. Franciscus le Vignon Decanus

**Afferebat Lutetiæ RAY MVNDVS FINOT, Bitterrensis,
A. R. S. H. M. DC. LXV.**